

## AUGLÝSING

### um umferð í Egilsstaðahreppi.

Samkvæmt heimild í 65. gr. umferðarlaga nr. 26 2. maí 1958, hefur ráðuneytið ákveðið, að Austurlandsvegur milli Lagarfljótsbrúar og Egilsstaðakauptúns, skuli vera aðalbraut gagnvart vegi frá Egilsstaðaflugvelli.

*Í dóms- og kirkjumálaráðuneytinu, 29. júlí 1965.*

F. h. r.

**Baldur Möller.**

*Ólafur. W. Stefánsson.*

Nr. 165.

9. ágúst 1965.

## GJALDSKRÁ

### fyrir Rafveitu Siglufjarðar.

#### I. RAFORKA

Rafveita Siglufjarðar selur raforku á orkuveitusvæði sínu á þann hátt og við því verði, sem hér segir:

##### 1. Lýsing.

- 1.1 Um kWst.-mæli á 470 aura hverja kWst.
- 1.2 Um kWst.-mæli á 235 aura hverja kWst. auk fastagjalds af gólfleti í rúmi því er lýsa skal og reiknist fastagjald þannig:
  - a) fyrir verzlunir, vinnustofur, skrifstofur 170 aura á m<sup>2</sup> á mánuði,
  - b) fyrir geymslur, ganga, verbúðir 85 aura á m<sup>2</sup> á mánuði.

##### 2. Almenn heimilisnotkun.

2.1 Um kWst.-mæli á 105 aura hverja kWst., auk fastagjalds af gólfleti er nemi 85 aurum af m<sup>2</sup> af gólfleti íbúðarinnar.

Við ákvörðun á gólfleti íbúðar reiknast öll íveruherbergi, eldhús, gangar og baðherbergi, en ekki geymslur og þvottahús. Íveruherbergi, sem um stundarsakir standa auð, eða eru notuð sem geymslur, skal reikna sem íbúðarherbergi. Tekið skal tillit til, ef um súðarherbergi eða þ. u. l. er að ræða.

2.2 Til heimila, sjúkrahúsa, skóla, gisti- og veitingahúsa má selja raforku til suðu á 120 aura hverja kWst., enda séu suðutæki fasttengd og öll önnur notkun seld eftir liðum 11 og 12.

##### 3. Vélanotkun.

- 3.1 Um kWst.-mæli á 2.35 aura hverja kWst.
- 3.2 Um afl- og orkumæla (mestaafismæla) þannig reiknað:
  - 3.21 Aflgjald: kr. 800.00 á kW á ári.
  - 3.22 Orkjugjald: 45 aurar á kWst. af allri notkun.
- 3.3 Ef um mikla orkunotkun er að ræða, svo sem til frystihúsa, og kaupandinn skuldbindur sig að kaupa 20 000 kWst. á ári hið minnsta, má selja orkuna um kWst.-mæli þannig:

Fyrir fyrstu	20 000 kWst.	ársnotkun	110	aura á kWst.		
— næstu	30 000	—	—	95	—	—
—	50 000	—	—	85	—	—
— umfr.	100 000	—	—	75	—	—

#### 4. Hitun.

- 4.1 Til húshitunar og til hitavatnsdunka um kWst.-mæli 45 aura/kWst.  
 4.2 Til húshitunar um kWst.-mæli 40 aura/kWst., enda megi rjúfa strauminn í allt að 3 klst. hvern sólarhring, skv. nánari ákvörðun rafveitustjóra.  
 4.3 Heimilt er að selja raforku til húshitunar sumarmánuðina maí—sept. á 30 aura hverja kWst.

#### *Önnur skilyrði fyrir raforkusölu til hitunar:*

- Að vélaafli, línur og spennar þoli álagið að dómi rafveitustjóra.
- Að tæki, lagnir og búnaður í sambandi við rafmagnsupphitunina sé samkv. fyrirmælum rafveitunnar.
- Að hús, sem fá leyfi fyrir rafmagnsupphitun, fullnægi lágmarkskröfum, sem rafveitan setur um einangrun.

#### 5. Önnur raforkunotkun.

5.1 Til nota um vinnulagnir við byggingar meðan á byggingu stendur um kWst.-mæli á 235 aura hver kWst.

5.2 Til götu- og hafnarlýsingar um kWst.-mæli á 170 aura hverja kWst.

Alla raforkusölu, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið I. Þegar sérstaklega stendur á, má rafveitustjóri þó, að tilkomnu samþykki rafveitunefndar, selja raforku eftir sérstökum samningi í hvert sinn, en eigi lengur en til eins árs í senn.

#### MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum upp að 30 A .....	kr. 5.00 á mánuði.
2. Af þrífasa mælum 50 A og minni .....	— 10.00 — —
3. Af mestaafismælum að 100 A .....	— 35.00 — —
4. Af mestaafismælum 100 A og yfir .....	— 70.00 — —
5. Af þrífasta mælum 50—100 A .....	— 15.00 — —

Af öðrum mælitækjum en þeim er nefnd eru, skal ársleiga vera sem næst 20% af verði mælitækjanna. Leigan skal innheimt um leið og gjald fyrir raforku.

#### III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald, sem miðast við flutningsgetu raftaugar þeirrar, sem að húsinu liggur, svo sem hér segir:

Flutningsgeta raftaugar	Heimtaugargj.	Yfirlengdargj.
25 A loftlínuheimtaug einfasa .....	kr. 1 200.00	1 600.00 á stólpa.
60 A — — .....	— 2 400.00	2 800.00 — —
60 A jarðstrengur þrífasa .....	— 3 800.00	220.00 meter
100 A — — .....	— 4 900.00	250.00 —
200 A — — .....	— 9 900.00	410.00 —
350 A — — .....	— 17 400.00	560.00 —

Yfirlengdargjald greiðist, þegar lengd jarðstrengs fer fram úr 15 m eða lengd loftlínutaugar fer fram úr 40 m. Lengd jarðstrengs mælist frá lóðarmörkum viðkomandi húss, en lengd loftlínu við stólpa þann, er næstur stendur utan lóðarinnar.

Ef nú lögn krefst óvenjumikils kostnaðar að dómi rafveitustjórnar, svo sem nýrra spennistöðva, nýrra aflstrengja, nýrra loftlína eða annars búnaðar, verða gjöldin ákveðin af rafveitustjóra í hvert skipti. Ef lagðar eru fleiri en ein heimtaug að sama húsi, greiði húseigandi allan kostnað við síðari heimtaugina samkv. reikningi.

Þau hús, sem áður hafa greitt heimtaugargjald samkv. reikningi, greiði aðeins mismuninn, ef loftlínu er breytt í jarðstreng. En hús, sem ekki hafa greitt heimtaugargjald, greiði það þegar þau hafa fengið heimtaug sína endurbyggða.

Gjald fyrir heimtaug fellur í gjalddaga, þegar uppsetningu taugar er lokið og áður en straum er hleypt á heimtaugina.

#### IV. OPNUNARGJALD

1. Hafi gjald samkv. gjaldskrá þessari ekki verið greitt, svo að til lokunar hafi komið fyrir veitu, skal taka gjald fyrir enduopnun, 50 kr.

2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduopnuð fyrr en notandinn hefur greitt 50.00 króna gjald á skrifstofu rafveitunnar.

#### V. SÖLUSKATTUR.

7.5% söluskattur er innifalinn í öllum framangreindum verðum.

#### VI. BREYTINGAR

1. Bæjarstjórn er heimilt að hækka eða lækka öll gjöld, sem ákveðin eru í þessari gjaldskrá, um allt að 20%, án sérstakrar staðfestingar ráðuneytisins.

Gjaldskrá þessi, sem bæjarstjórn Siglufjarðarkaupstaðar hefur samið og samþykkt, staðfestist hér með samkvæmt vatnalögum nr. 15 20. júlí 1923, og raforkulögum, nr. 12 2 apríl 1946, til þess að öðlast þegar gildi og birtist til eftirbreytni öllum þeim, sem hlut eiga að máli.

Jafnframt er úr gildi numin gjaldskrá fyrir Rafveitu Siglufjarðar nr. 4 20. janúar 1962, ásamt síðari breytingu.

*Atvinnumálaráðuneytið, 9. ágúst 1965.*

**Ingólfur Jónsson.**

*Þorv. K. Þorsteinsson.*